

樹經堂詩初集

嘗讀舊唐書高適傳云有唐詩人之達者惟適而白稱
疑此語殊不然唐詩人若白傅元相韓吏部達者相望
何獨適一人然史稱適言過其術爲大臣所輕其所建
樹不得與韓白諸公比僅足稱詩人之達者而已若其
卓卓者雖名列全唐詩中不得以詩人目之亦不得以
詩人之達者盡之也蘇潭先生任河隴觀察公餘旣得
詠史五百章又云全唐詩仿造山論詩得百絕句先生起
家翰林和聲鳴盛一雪歐陽子詩人少達之語而其名
集以寄餘取餘事作詩人之意豈不以詩人旣達必有

自立于詩之外者微之猶不足道若韓若白其選也先生論唐人詩至此毋亦怡然有得于心乎苞辱先生杯酒論文之雅十餘年不敢僅以詩人望先生尤不敢僅以詩人之達者擬先生也嘉慶三年戊午秋七月金匱侯鳳苞書

予與蘊山論詩四十年矣始自庚辰春蘊山與大庾楊
鈍夫計偕北上予讀二君之詩而異之昔漁洋與海內
賢豪論詩獨推蓮洋丹壑二家有與君代興之嘆予時
於鈍夫欲目以蓮洋而於蘊山欲目以丹壑此意耿耿
未質言也後十年得欽州馮魚山乃欲移蓮洋之目以
屬之而丹壑之目仍未移也歲月易得不數年而鈍夫
宦歸老病魚山亦頽然非昔矣惟吾蘊山中外敷歷以
政事之暇抒寫爲詩至甲寅夏予扈從灤陽始爲蘊山
序其初稿直以丹壑目之今又七年而蘊山褰幘前後

所作得二十卷寄予論次則縱橫排纂前無古人其觀風化俗行政莅民一寓之於詩始不僅以丹壑概之也予嘗謂此事本性求情作忠教孝此乃真詩髓也家數格調音節路徑此則能者所自爲也蘊山於此事不忘其初不岐其徑且其近日自述所得曰膽不大則心不細氣不壯則味不深閱歷不多則法度不密斯可謂知言也已矣予最服膺放翁興杜敬叔論詩謂古人壯浪奔放絕塵軼羣之氣全於升車間遇之是卽蘊山所自得之謂乎放翁此語敬叔嘗鐫之桂林崖石間今予得

徧觀前後諸作清雄邁世於放翁語有愜志焉適蘊山
抵任桂林山川奇鬱之氣與其詩筆足以相發事之不
謀而合有如斯者乎四十年來可與焚香對論者更有
幾人豈惟不僅以逕洋丹壑相期而已哉

嘉慶五年歲在庚申冬十月朔北平翁方綱序

題辭

桐鄉馮浩

孟亭

玉堂老手職旬宣庶政恢張尚綽然仁知素諧山水趣
文章煥發斗牛躔浙東名勝開天巧海上靈奇結地偏
一片清風來案部羣傳仙窟見真仙

八詠東陽沈隱侯東甌更說謝公樓何如行省綱維大
到處登高眺覽周列雉崇嚴申保障哀鴻安集復田疇
新詩題滿雖餘事蔽芾棠陰與其畱

永嘉山川稱天下最昔謝靈運出守是郡游覽喜極幽
遠賦詩作志可謂壯矣然南北雁蕩諸峰沈夢溪所稱
宇內奇秀無逾此山者乃顯自緇流靈運獨未之及好
事者或爲靈運惜余謂周覽風物登臨觴詠以陶寫其
性情者卿大夫之事也搜奇絕險爭林壑於猿狖之巢
窟此羈人畸士枯槁泉石者之所爲使卿大夫效之必
將重困民力其失職尤甚於俗吏靈運之遺雁蕩也固
宜蘊山先生勾當公事於浙東僕從僅數人芻薪之用
皆自已出吏民不知有迎候之煩而浙東名蹟之最著

者已游歷殆徧得詩八十餘首大抵惓念民生感懷往
哲之篇爲多而摹狀山水副其幻譎者亦盛焉先生素
嗜詩政暇輒吟哦不輟今江山之勝與其高懷逸興足
相感發宜詩之多且工矣是行也所得廣於靈運而無
其探索之勞詩又足與之埒是誠曩余所謂卿大夫之
游者與亟書之以爲世法時嘉慶二年九月桐城胡虔
維君謹跋

永嘉山水天下奇。康樂守此傳清詩。丹霞皓月蒼松枝。
二千年後繼者誰。蘇潭先生公裔孫。按部來持白虎旛。
盡徹供億屏騶唱。獨探林壑窮朝昏。石門瞰江壓高樹。
長劒嵯峨倚天柱。南北雁宕兩龍湫。屐齒當年未經處。
四十九盤徑始通。浮嵐積氣連諸峯。上負蒼天下碧海。
山根半插雲濤中。銀河奔瀉迴玉虹。萬古洗出青芙蓉。
蓄勢一落八千丈。吹煙吹雪何濛濛。我自蘭谿至桐江。
扁舟夜泛七里瀧。江水清空山月美。已誇勝絕難爲雙。
造物至此逞新意。更以幽深出雄肆。會稽天台來括蒼。

尺波片石皆仙氣先生之才大如海先生之筆矯如龍
一篇脫手萬山拜直將句法參神工生平高詠懷謝侯
洗硯春礪紅泉流越山入夢已十秋青鞵欲往嗟阻脩
八轡書舫四照樓新詩百讀不肯休江山主客前無儔
惜哉我未從公游

東鄉吳嵩梁蘭雪題

樹經堂詩初集總目

第一卷

初枕草上古今體詩五十四首

第二卷

初枕草下古今體詩一百二首

第三卷

蘇潭草上古今體詩七十六首

第四卷

蘇潭草中古今體詩六十一首

第五卷

蘇潭草下古今體詩五十五首

第六卷

春風樓草古今體詩五十八首

第七卷

補梅軒草上古今體詩六十首

第八卷

補梅軒草下古今體詩六十五首

第九卷

寄餘草論唐詩絕句一百首

第十卷

補史亭草上古今體詩五十六首

第十一卷

補史亭草下論宋詩絕句二百首

第十二卷

晉陽草古今體詩一百二首

第十三卷

浙東草古體詩八十二首

第十四卷

蓬巒軒草古今體詩一百六首

第十五卷

後樂園草古今體詩七十七首

初桃草上

南康謝啟昆蘇潭

初入

國史館作

國家締造二百年以

聖繼

聖洪基延代天而治乃統天漸摩聲教被八埏禮在宗
伯樂在懸四門穆穆開

經筵左史右史載筆處百官庶尹賅其全在昔史官初

置員曰惟達海庫爾纏厥後記注任尤專歲累萬牘充
松挺我

皇龍御初乘乾早遴侍從搜丹鉛歲在旃蒙

命重宣載啟祕館龍池邊特進八臣司校研

總裁官八十有

二人各分編

纂修八月協修四月

俸時

賜大官錢上方更給瓊華牋作史之難自古然其尤著
者固與遷褒貶尚未愜前賢有惡未彰美亦愆

帝曰積習久相沿咨爾詞臣習宜捐瑕不掩瑜毋拘牽
登庸放殛道無偏其人或晦事可傳務究其末窮其顯

小臣鷺序甫廁肩山海未泐埃與涓叨陪趨走彤墀前
日影惟懼過三甄夜分猥擬攜金蓮勤以補拙尚勉旃
聖訓朗朗高持權敢以臆見分媼妍願奉金鑑歸
陶甄萬有千祀垂鴻篇

奇石蜜食歌

同語綠葡萄

滿庭綠霧飛溟濛湘枝紺葉交瓊瓏似銜青珠出海
上
一一磊砢空其中

此種葡萄無核前年

王師拓西域享王萬里方物通和聞新河良玉出哈密
舊貢甘瓜充此種始自布哈爾此實葉爾羌所供纍纍

連族獻

闕下蒙被雨露尤龍葱草木亦知向中土暄以春日熟
秋風秋來時果共頒賜萬石擬潑琉璃鍾接蔓連延勝
青荔垂實窈窕欺碧筍

上林苑中富仙果盧橘夏熟春櫻紅

御食豈復窮異產一物自可占武功博望貳師不足數
雞卵馬乳安能同採條結實聊紀事陋彼漢史名其宮
初習

國書

齒序分班左右居鴻文一卷發蒙初清文啟蒙一書慚爲入門之始

上國無雙士

是科朝考第一

來讀西清未見書字母華嚴頌

十二官師館課趁三餘姬隅自笑多蠻語悟徹源流實
啟予

內院校書

國書習罷鸚調語史籍分編鳳引朋芸閣晨星披毳氎
蓬壺夜雨擁青綾紫薇花發春初暖金雀風微月欲升
上相掄才感知已

謂劉諸城相國

玉壺澄徹一條冰

雙藤軒看棋

玉局蕭閑乍放衙我來袖手靜無譁疎簾圍客停敲鉢
小榻清談罷鬪茶長日風鳴深院竹晴天雹散一林花
古今成敗胥如此史事重評廿四家

庚寅元日

太和殿

賜宴恭紀二首

殿上臚句引列仙洞開闔闔敞瓊筵兩行簪履青帷內

東西張青
幕各八
四部笙歌

玉陛前

八旗蒙古高麗回部以次奏樂

桐酒屢斟連散角粉餐入饌溢

方圓果然湛露晞陽早不待宮壺午漏傳

先是禮部奏午刻筵宴是

日特旨改已初

龍飛甲子周三紀鵠立班聯已十春今日傳餐榮侍從

他時話舊豔鄉鄰

賜腥必熟登時薦

宴品有黃羊許分割攜歸

懷果分嘗出席珍試向

金坡考遺事隆筵四度紀

恩頻

雲麾碑

京兆大尹有雙礎北海雲麾傳兩碑本異蒲城誰辨僞
臨非松雪誤傳疑汴河萬里墮風烟古墨蒼螭悲不全
破屋三間丞相廟畱伴忠魂玉笏懸

湛園石

友石頗有元章癖古雲山房萬石積不將石質汚貂璫
此翁湛然飲空碧畫船竹渚日蕪荒一片流傳西苑旁
風烟試倩冰綃繪米家燈照月輪光

米氏園中有風烟里

積水潭

積水茫茫寬似海懷麓詩人今宛在十二詠中遺跡畱

藕花滿地無人採
閣老衙衙荒別業
小衫雙履鎖文匣
斜日驅車過石橋
風雨蕭蕭聽打聞

梳妝臺

瓊華島上秋芳妍
宸妃露坐液池壖
野菊香生玉鏡朗
日旁月照珠宮連
宮人授讀障紗碧
隔紗映字師兒識
紙鴛鴦魅事渺茫
粉黛香銷土花蝕

萬柳堂

琉璃一頃柳千尺
花嶼蓮塘卷寒碧
無主亭臺任借人
有情魚鳥歡畱客
廣渠門隔右安門
仰效野雲開此園

西河草賦如滕閣丞相爭名似謝墩萬柄荷珠跳急雨
禊飲徵歌泛蘭渚大開黃閣宴詞人坐致鴻猷登政府
青眼看人曠代同碧筒搖漾綠波中斗室數間舟一葉
樓頭

御墨燭長虹

聖祖聯隔岸數間斗室臨河一葉扁舟
石侍郎文柱起

御書樓懸

憫忠寺

幽州古刹數崇福傑閣去天纔一握花雨來尋佛法源
榛烟孰按忠臣錄平壤總管征高驪士卒暴露嗟流離
不封鯨觀築馬鬣浩浩往劫西風吹文節播遷經此寺

壁間泣見曹娥字舍利難磨萬古心
滄波未盡孤臣淚
看花車馬日駢闐
海棠樹比紅杜鵑
老僧不管興亡事
搗碑賣字過殘年

陶然亭

黑窰厰西地幽敞
水部詩人獨來往
自構小屋貯天光
手勒長篇鐫翠榜
人家遠映鷗波偏
車馬日緣蟻垤上
西山環抱曲如屏
四面憑高平似掌
南方不慣逐紅塵
六月炎蒸惱殺人
偶憶江湖吹短髻
難逢林壑岸烏巾
擬過屠門快大嚼
不捐雞肋比多珍
白詩把玩拚一醉

似臥蘆花淺水濱

釣魚臺

三里河畔丁家宅玉淵停泓凍不竭我初計偕駐輕策
跛驢倒跨訪飛伯紅鱗吹浪湖波通仙語鬼語來夢中
沙鷗汀鷺往來見翠帶青荷左右逢茶肆初開日卓午
蜂蝶香生百花聚閑沽濁酒對騎兵聽唱清詞擊腰鼓
艮岳遺墟花石空一臺猶自倚春風誰家落日垂釣翁
流水挑花認舊踪

陪翁覃溪師積粹齋錢籜石兩先生遊二閘

冉冉月上橫街槐淅淅風鳴打窗葉扁戶安得開雙眸
兀坐秋光月又匝不圖京華車馬地扁舟載我慶豐開
緣畦一帶豆筴肥沿波兩岸荻花夾遠屋列似蝸盤沙
小舟浮如蟹露甲偶停短纜問小園疑向輞川開別業
入門老松皆十圍列坐假山儼几疊綠怡亭敞畱青陰
芳潤堂空却羅簾松聲鳥語皆主人自有清風掃石榻
會心舞雩正曠遠題襟前輩堪師法元言未覺校書忙
況我身閑聽轉愜暫離輾轉碾紅塵且倒玻璃醉銀榼
雜坐旣好步亦佳去郭雖邇境非狹夕陽掩靄呼榜人

晚花嬾娟戀寒蝶尋幽再趁黃鶯來明春有盟不須歆

雪林二首

但聞林外聲不辨林中影雜花眩冥冥寒光動炯炯樵
歸人語稀月出鶴巢冷

林高得雪早林深得雪遲及其布濩徧所遇無參差明
年釀生意孤根獨自知

和傅謹齋先生九月七日陶然亭卽席二首

選勝乘休暇亭高萬景清疎籬圍野色老樹得秋聲泛
菊黃初釀看山翠欲迎宜邀紫髯醉不厭百壺傾

風雨重陽近殘雲傷曙收花陰清似畫人意澹於秋韻
事推前輩新題續舊遊行吟歸路好涼月下蘆洲

西苑道中卽事二首

殘柳蕭蕭傷玉河凌晨有客緩鳴珂疎黃點綴蘆花岸
昨夜輕寒落葉多

落霞孤鶩點晴空罨畫西山夕照中歸路不禁寒料峭
明湖秋水白蘋風

相國尹望山夫子書室新成

倬值歸來自著書虛窗生白吉人廬萬間久已容寒素

楊何妨事掃除索句絢春花放後絢春御賜園名焚香宴

坐月明初鳩居自笑無常處風雨蕭蕭日晏如敢昆新移寓湫

甚溢實

恭祝

皇上六旬萬壽詩九首謹序恭集文選句

皇帝體膺上聖王融道隆自天陸機含元氣之氤氲王延壽答

三靈之蕃祉班固受命既固潘岳庶績其凝王融積數十年東方

朔馨烈彌茂張衡圖

皇基於億載班固壹八方而混同左思允迪

前徽

顏延之

實敢

洪祚

沈約

所以恢宏至道

孔安國

受釐元神

顏延之

對越天地

者

班固

合在於此

司馬相如

於是孟春元日

張衡

辰晷重光

陸機

天子乃御

玉輦

潘岳

襲朝服

司馬相如

出

龍樓而問監

王融

既而

帝暉臨幄

顏延之

供帳置乎雲龍之庭

班固

天王燕胥

傅毅

授几肆筵

王融

當覲乎殿下者蓋數萬以二

張衡宣布

詔書

王出

德號

司馬相如

散公儲

楊雄

以濟元元之命

鍾會

旌簡旌俊

韋曜

禮官之甲科

班固

增四門之穆穆

孔融

率土咸序

應貞

庶士傾

風

顏延之

爰命日官

陸倕

改憲勅法

王融

永錫洪算

顏延之

傳之

無窮

陸倕

治穆乎鳥紀之時

張協

躋俗於仁壽之地

王融

申

命羣司

潘岳

星陳夙駕

潘尼

郊甸之內

張衡

拖以漕渠

鮑昭

控清

引濁

左思

東歸之於海

司馬相如

羣望咸秩

張衡

神應休臻

曹植

縉

紳之倫

張衡

龐眉耆耆之老

王褒

錫類所及

任防

莫不怡悅

傅毅

皇恩綽矣

帝德冲矣

左思夫鴻鈞之世王景命是膺陸機聲教所加劉琨

中外禔福

司馬相如是以辰居膺列宿之表任昉華封致乘雲

之拜

王融隆周之卜既永顏延之延喜之玉攸歸王融星虹樞

電

劉峻膺籙是圖張衡史不絕書顏延之於茲爲盛班固蓋

聖人握金鏡開風烈

劉峻誕隆駿命顏延之緝熙

帝圖

任昉傾四海之歡張協時惟篤類曹植建永世之業曹植允

當天人

阮籍比年以來鍾會省方巡狩班固荆揚豫兗孫楚敬奉

玉音

謝莊省幽明以黜陟張衡講典禮於辟雍曹植布教頒常

張衡順時立政何晏文化內輯東晉威武紛紜司馬相如西曜流沙

雄揚至於三萬里班固莫不屈膝交臂陸倕稽首

絳闕孫楚若乃順時節而蒐狩班固養更老以崇年潘岳亮稼

穡之艱難何宴修

帝籍之千畝張衡率作興事馬融六府孔修應貞納言有章左思

蚤朝晏罷任昉盛德大業潘岳不可勝書何晏靈祇之所保綏

張休徵之所偉兆左思遭千載之嘉遇潘岳固萬葉而為量

者也顏延之於斯時也馬融攝提運衡張衡彤雲晝聚陸機甘露

如醴左思精曜協從顏延之仰南斗以斟酌左思稱

萬壽以獻觴

潘岳

皇恩浹

班固

慈顏和

潘岳

洋洋乎丕天之大律

班固

豈不懿哉

楊雄

臣聞歌

以詠言

傅毅

發言爲詩

商卜

黃髮擊壤

張協

無不吟咏徽猷

劉琨

當休明之

盛世

潘岳

恩遇

劉峻

上玉堂

東方朔

蹈德詠仁

班固

歡欣踴躍

應璩

不任慙

款

任昉

離辭連類

枚乘

抑亦雅頌之亞也

班固

其辭曰

馬融

我

皇秉至德

邱遲

宅道炳星緯

顏延之

二離揚清輝

謝朓

五圖發

金記鮑昭輝輝

天業昌謝瞻藹藹風雲會陸機英袞暢人謀謝眺

文光熙淳懿陸機

誕曜應辰明顏延之兼燭八紘內劉楨穹隆放蒼天陸機萬紀

載絃吹顏延之

聖心眷嘉節謝瞻傳瑞生光輝范雲晨趨朝建禮沈約列宿正

參差曹植昭昭天宇濶陶潛明明闕

皇闈傅咸中坐溢朱組江淹金瓶泛羽卮沈約五色映朝日陸渢

風動萬年枝謝眺是用感嘉貺張華舉觴詠露斯

結軫青郊路

謝眺

桑野多經過

顏延之

曉曠盡都甸

江淹

水木

湛清華

謝混

天吳靜不發

謝靈運

潛魚躍清波

曹植

鳴嚶已悅

豫

謝惠連

慶雲鬱嵯峨

陸機

嶽濱有和會

顏延之

流化自滂沱

機

德豐既普洽

顏延之

政成在民和

潘岳

茗茗梓桐樹

司馬彪

鳳凰集南嶽

劉楨

濯翼凌高梯

應瑒

拂霧

親朝閣

謝眺

羣英必來臻

謝靈運

萬族各有託

陶潛

朱黻咸髦

士

江淹

振纓盡祗肅

陸機

如彼游川魚

潘岳

沾潤旣以渥

陸機

文

明固天開

謝眺

尊賢永照灼

鮑昭

鴻鈞陶萬類

張華

清輝溢天門

陸機

愍茲區宇內

邱遲

畱滯感

遺萌

顏延之

在宥天下理

謝靈運

悅懌若九春

阮籍

豐澤振沈

泥

顏延之

恩紀被微身

江淹

兼抱濟物理

謝靈運

復與

昌運并

顏延之

叱謠響玉律

江淹

獲我擊壤聲

謝靈運

神武睦三正

謝瞻

旁薄立四極

陸機

揚聲沙漠垂

曹丕

偉烈光

篇籍

左思

命師誅後服

邱遲

骨都先自誓

虞羲

西龕收組練

謝朓

萬邦咸震懾

謝靈運

明慮自

天斷

鮑照

懷紀燕山石

聲教燭冰天

江淹

吹萬羣芳悅

謝靈運

昊天降豐澤

王粲

衆星拱北辰

謝靈運

書軌欲同薦

謝靈運

日月光太清

傅咸

詩人美樂土

王粲

由來長懷仁

謝靈運

恢恢

六合間

歐陽建

總總都邑人

潘岳肅穆

恩波被

陸機

一由我

聖君

王粲

曠哉宇宙惠

江淹

時泰玉階平

任昉

秋風生桂枝

沈約

金波麗鵲

謝眺

揆日粲書史

江淹

冠霞登

彩閣

鮑照

瑤草旣翕施

江淹

慶雲惠優渥

謝靈運

奕奕河宿爛

謝惠連

悠悠方儀廓

盧諶

萬象咸光昭

謝靈運

絳氣下縈薄

江淹

與

天享巍巍

王

福謙在純約

潘岳

十載朝

雲陸

謝受

恩良不訾

王

徘徊蓬池上

阮籍

濟濟蔭光儀

曹

靜惟浹羣

化之

顏延之

福履既所綏

江淹

芳風被卿

顏延之

俱享黃髮期

曹植

微臣同受

賜

江淹

霑沐仰

清輝

謝朓

末響寄瓊瑤

江淹

嘉命咸在茲

文廟工成

聖駕親詣釋奠恭紀

四言詩十六章謹序

乾隆三十有四年二月上丁

皇帝釋奠於太學禮也先是歲在丁亥

特沛

綸音載葺黷宇鳩工庀材越二歲歲事

御書廟額曰

先師門殿曰大成

親製碑記以垂示久遠又

詔陳內府周器於殿楹犧象雲雷輝映几筵于是練時
日備

法駕

躬祀事以落厥成槐市諸生駿奔左右咸獲近

日月之光沐

德澤而歌鴻厖肅雍之化洽

仁聖之業備矣

臣

竊惟太學者賢士之所關稽諸祀典

漢唐以來代有紀述然王澤未溥徒嫻具文洪惟我
列聖右文重道肇秩殷禮我

皇篤恭以覲于

前光

臨雍

幸魯彝典咸昭茲復振新廟貌

展祭告虔禮明樂備度越千古益惟

聖人能知

聖人心法治法兼綜而條貫之

文教暢源

醴化翔洽揆諸

孔子立道綏動之德與祖述憲章之心若合符節是以
精意昭融

鴻儀景鑠也

臣恭逢

盛典珥筆颺言實臣之職竊附賡歌之末撰四言詩十
六章謹拜手稽首以獻

聖道懸衡

皇樞共貫作

君作

師貞明貞觀

覃化敷天成章倬漢善首邦畿禮爲楨幹式廓

上雍重光復旦見諸羹牆美哉輪奐

粵若唐虞典胄教隆夏序殷學制不從同周政具舉東
膠瞽宗上丁釋菜乃帥三公

天降麟紱道啟鴻濛禋祀萬禩光于

日中

於顯

列聖

覃恩經教左雍薦蘋明倫廣孝咸平譜奏大成熙號諱

名議崇

褒封

聖詔我

皇紹之不揚

徽劭祀事孔明後先振耀

式瞻懷栢載煥

絲綸爰諏吉日曰叶靈辰錢頒少府模授梓人俾材棧
巖礧石璘彬綵彤互幘舂鍤維勤輸川效岳鬱霧蒸雲
高門有閤百堵皆作中殿眈眈重簷嶸嶸三舍四門環

林飛閣藻井蒔茄虬梁綴珞昔易其瓦今塗丹雘

聖人之居

天子是若

鴻功紀實

睿藻摘詞扶經之心泝

聖之涯瀆歸其滙嶽奠其基仰觀俯察比象洞微文迴
珠斗篆屈金螯負以鼎履蟠以虬螭

禮器煌煌典寶是守有觚雷紋有罍犧首有簠有簋有
尊有卣鼎洗中宏壺爵虛受積寸而尺計數以偶

頒命官司設諸座右

燦燦景吐羅羅星陳從其所志暖乎如聞

吉蠲用享

與命用申太常戒事挈壺司晨

紫垣天闕綵仗雲屯有鸞噦噦有車駉駉

爰蒞黉門爰駐

黃屋萬騎軌塵千官立鵠藻術回春文蘋扇馥巾卷充

街簪纓夾轂壹志齊心瞻

雲就

旭駿假無言

天光穆穆

以妥以侑于豆于登粢盛豐潔醴醢醢澄鏗鐘前陛用
侑兩楹蕭光昆上采幣頻仍

對越在廟駿奔在庭雍雍肅肅

至德惟馨

時維仲春先庚三日旦復光華雲連慶霄罽陌花濃蘸
波柳密槐市清嘉芸軒靜謐煊爛石經琳琅獵碣竝沐
熙陽同分霽吉

禮儀既備

鸞輅言旋序畱虹彩路匝蘭烟

聖情允契

御翰重宣幽思綯道奧義中詮

天顏有懌雨化無偏勗哉多士永此薪傳

在昔

臨雍宏開

講席黃帕披封寶書啟笈亦越

時巡吳墟薦帛金奏在懸絲音起壁錫慶推

恩霽風解澤此日明禋同光舄奕

遐稽祀典歷按圖經奉牢宗魯校射東京守增吏卒像
寫丹青或懸書幄亦闢閑閣文謨未洽儀冊徒稱仰惟
我

皇永觀厥成

聖旣居歆

皇益篤祐精一爲心

欽明作覩

政教同源風聲早樹洽禮豆觴導和籥羽蹈

德詠

仁塗歌巷舞被以笙詩登諸樂府

小臣肄雅夙侍緇林幸陪芸署敬奉

玉音式觀璇榜載聆文琴

隆儀欣邁法物同欽介茲純嘏集彼景琛挾毫頌

德莫贊

高深

釋奠禮成襄事恭紀二十六韻

續

緒

皇儀肅尊

師

帝治先上雍觀典禮首善荷陶甄輪奐教重飾

絲綸聽再宣模頒將作匠帑

賜水衡錢玉質礪丹礎松株斲翠椽雕甍光此日黃瓦
易當年日擁璇題麗霞澄碧水圓宮牆猶仰古雲漢自
垂

天大義鐘鏞振鴻文琬琰鐫從先符

孔志列器溯姬傳蝌蚪回文奧精鏐耀采鮮豫期羅法
物練日事明蠲曉露騰金蓋流虹曳綵旃戟門

龍輦駐槐市玉珂連奉璣羣工恪凝旒

聖主虔粢盛通肸蠁棖桷仰蜩蛸雅奏流笙鐸清歌韻
管絃觀光來裔習禮肅班聯濟濟烝髦士莘莘洽豆
籩斯徵循舊典

雨化發新編精一心爲契名言象莫詮同時瞻

睿藻翌日啟

經筵政教源流合

君師體用全素王隆紹緒疊序重興賢議陋明堂奏詩
超泮水篇小臣歌
盛軌拜手玉墀前

覃溪師寓齋話別聯句

軟語連宵奈別何

覃溪師

相看轉覺語無多未當分袂心

如醉

蘊山

忍到離筵聽汝歌風雨他時兄弟約

覃溪

羽儀今

向海天過來朝便是千山隔黃葉聲中憶玉珂

蘊山

臘八粥聯句

北風吹雪敲簷冰

覃溪師

紙窗刺刺衣生稜

蘊山

厨烟正照

朝暎升

潭溪

浙米如脂氣如蒸

山蘊

今日下直招良朋

潭溪

坐

擁棐几

圍毵毼

山蘊

寶典月令故事徵

潭溪

不數寒食餐冬

凌

山蘊

稻梁菽稌棗栗菱

潭溪

維錡及釜豆與登

山蘊

裁紅暈

碧堆層層

潭溪

屑桂鏤薑中饋能

山蘊

或以薦福供嘗烝

潭溪

亦聞禮物施山僧

山蘊

邀親饋友俗相仍

潭溪

未若琢句與

可乘

山蘊

煖不起沸寒不凝

潭溪

入口勝挹酒如澠

山蘊

如湯

沃雪波微興

潭溪

可澆肺腑消凌兢

山蘊

放飯流歡何必憎

潭溪

一甌甘滑神竊騰

山蘊

白粥三伏君家稱

潭溪

立雪幸得

程門登

山蘊

去年念汝思不勝

潭溪

前年臨別貽我曾

山蘊

推

敲官惜挑寒燈

潭溪

嗜好淡泊寧須懲

蘊山

炊熟又覺韶華

增

潭溪

月明起共松窗凭

蘊山

覃溪師甫入都啟昆出守鎮江話別聯句三首

後逢難定是何年

潭溪師

握手春風各黯然粵嶠車還疑

夢寐

蘊山

京江人去隔風烟

欽州

馮魚山

雨聲前度看花地

潭溪

陌上輕塵躡柳天秦薛謳歌回路贈

魚山

官將別淚濕

離筵

蘊山

經濟文章道本同

魚山

獨懷未信媿初衷

蘊山

敬之爾自臨

師保行矣今方看事功

潭溪

詩境相期十年後

蘊山

學源仍

出一門中願將斗室蒼茫意直捲長江萬派東

魚山

那僅河豚鑿拓銘

潭溪

還於水飲辨中冷

魚山

此生何處得

心印

蘓山

遶郡數峰俱眼青巖洞海山題姓氏

潭溪

琅玕錦

段寄丁寧

蘓山

淨名息壤聲聞在

潭溪

時傍塵轆轤聽

蘓山

初枕草下

南康謝啟昆蘇潭

寶晉書院二首

欲求漫士觀多士，酷愛名山訪研山。
北固樓臺自超曠，南徐文物許追攀。
未曾讀律初從政，不好爲師也抗顏。
時與諸生談舊事，題名繞壁叩禪關。

銀淮烟海閼靈奇，歐怪張顛古法遺。
高枕雲龕甘露下，振衣仙路好風吹。
六朝帆影浮杯酒，三峽江聲入硯池。
鐵甕霜天聞畫角，淨名齋外共題詩。

夜登金山二首

金碧浮空落照邊，橫槎瞥眼到層巔。
一龕孰伴風兼月，萬里相爭水與天。
鍾鼎山林各成性，宰官佛法總因緣。
浮圖鈴語三生悟，不許魚龍撼客眠。

漁火瓜洲葦岸陰，譙樓鐵甕漏沈沈。
天河無影山浮玉，佛國有靈地湧金。
悟徹中泠泉外味，洗空萬古壁間吟。
顛風莫斷遊人渡，休澣時來證此心。

焦山二首

竹樹深深掩翠嵐，憑江高下結茅菴。
焦仙與島爭千劫，

彌勒邀予叩一函月出魚龍翻海上風清鐘鼓送淮南
八千軍士樓船在漁火宵驚夢未酣

中年腰脚半疲頑對峙中流喚渡難銘辨王書兼顧篆
鼎摩周器洗秦姦樹移日晷僧趺座海接天光客倚欄
懶學神仙長避世休旬亦似暫休官

初登甘露寺二首

南徐開古剎樓閣枕孱顏禪榻清鐘磬吟窗拓海山舊
題紅葉句新啟白雲關候吏遲魚鑰僧寮客未還

翠屏高百尺晴日數江帆人影岸邊樹鶴聲天際巖廣

陵濤未上蜀嶺月初銜坐石談興廢浮屠問鐵函

京江口號八首

六代難紓北顧憂英雄淚湧接天流長江不管興亡事
夜夜潮聲打渡頭

雨過庭陰碧樹環捲簾花覆印牀閒吸來一勺中冷水
坐擁千峯北府山

避風館上看朝暎海氣蒸城勢欲吞春水一江蘆荻長
楊花吹岸賣河豚

救生艇子不論錢性命安危繫長年月黑一燈紅到岸

布帆已泊戍樓前

籃輿徑入竹林斜黃鶴飛來處士家
不見道人殷七七滿山開遍杜鵑花

一覽江天御蹕臨妙高峯堵鬱檀林
無人說法參禪板剩有頭陀乞橐金

華陽古穴闕仙靈下瞰蛟龍揭鶴銘
三詔洞前人跡少嗤他懷刺綠莎廳

丁卯橋頭跡已陳江南才調句清新
瑤臺露下中秋月誰遇飛瓊夢裏身

丹陽道中口占六首

王氣當年鑿始皇
夾岡天設擁流長
自從瓜步連揚子
一輩西津渡渺茫

守風日聽吏人催
開口喧聲曉動雷
忽報瓜州幡信轉
連檣破浪百艘來

漕渠利賴達三吳
運瀆開時引練湖
安穩平江八百里
建瓴高勢在丹徒

練塘蓄水綠沈沈
灌溉香粳畝十金
七十二流分管領
當官誰識士安心

侍宴清游憶曲阿飛旂瑤軫進農歌綠疇方對平如掌
無復文鱗浸碧波

香草湖今半青草丹陽郡不見丹楊

宋書州郡志丹陽尹治建業故城在

江寧境相傳以地多丹楊得名府志謂卽今丹陽誤也

農田水利紆籌策爲覓源

頭活水長

青草湖一名香草湖古之曲阿湖卽上下練湖上練湖已成田今存下練湖其地受長山四十八岔之水春夏長盈秋冬全涸時議疏之使深改三滾水壩黃金壩爲閘蓄水濟運不知運河淺在丹徒豬婆灘以

北練湖縱有水直注呂城以東與淺處無裨或又謂
宜閉黃泥呂城丹徒橫越京口諸閘以蓄之冬月令
糧艘賁舟由焦山海口出孟瀆河無論冒險衝渡不
可行且徒陽運河全賴江潮灌注閉京口橫越呂城
諸閘則武陽以東成陸地矣勢必如北運河之層層
設閘設官而後已卽如是亦無濟八閘之水停畜有
常江潮之來蕩刷靡定春月糧艘抵江口候潮來東
南風起瓜鎮升旗則銜尾趁流而渡風變旗落卽止
不渡若層層設閘則風順旗舉而船未至船至而風

潮又變安在其可行也然則練湖可廢乎非也練湖
可以濟田而不可以濟運可以濟丹陽而不可以濟
丹徒沾練湖水利者田數萬戶數千農隙時各出夫
濬土培堤因民之力與民之利如是而已偶抒所見
以質當世明水利者

重修北固山甘露寺落成三十六韻

紺宇峩京峴朱方氣鬱葱遺基擴唐相勝蹟表吳東紀

歲傳甘露頽檐款緒風登臨紆節鉞憑弔駐花驄

癸巳夏日

高節相偕屬吏登此始議重修獨主扶持力因施相度功衆生皆捨願

長吏但鳩工是役也費用六千金擇邑紳董其事傷木依山積輸金布地

充白盛紛黝堊翠石費磨礱隱隱森龍象蜿蜒挂玉虹

鳴蕤纔臘節斷手及春融宰割陳平善謂諸董事丹青顧凱

同斬新開佛國特地煥琳宮

御座明黃屋經樓敞畫櫳芙蓉舉木末樓名瓜步納環中

梵響臨江迴燈明照海空曼陀雲鬢魏祇樹日曈曨磴

鉞盤千仞禪堂拓幾弓簾前來賀燕天際數飛鴻月落

潮頭黑星連堞影紅鸞帆晨歷歷鼙吼夜逢逢別殿崇

元武鼓祠拜石公山有祠祀前鎮海將軍石公曲房行窈窕倚檻望

冥濛勢壓中流盡名因北顧雄金焦浮兩點淮楚豁雙

瞳縹緲疑員嶠蟬聯若二嵩

俗以大殿為甘露寺元武殿為北固山其實一山也

酌泉尋栲栳走馬出蒿蓬

山有天津泉栲栳山開走馬澗諸古跡

香積饒齋

供湖田穫秉稷題菴思米老訪古問坡翁康樂遊踪盛

東山武庫崇

山上舊有家太傅武庫

浮圖九州鐵猛簾萬鈞銅墨

妙還生面詩清曠發矇剔苔文蟲屬揭壁字玲瓏

掘土得數

碑嵌壁

寶璐嚴裝現瑜伽智論通史書多草草

史魯三山志多闕文

盧志太槽槽

盧雅雨志金

邑乘搜猶待朋牋詠不窮仁

人言利溥

謂高節相

象教屹穹窿

望海樓

今圯

傑構今何在孤城霧欲沈
曠觀文士目籌筆老臣心

有斐亭

卽萬松舊址

不見萬松青易此千竿碧
六月清風來酷吏掃無跡

紅雨軒

校射處

飢鴟耳後鳴萬點落無聲
畱待攜壺坐休教襯馬行

天香榭

如來散金粟聲聞證木犀
禪機我未悟暗室心自知

觀察袁春圃先生招同郡倅王祝三縣尹徐玉

儋奉陪昭武侯圖益亭參戎趙松菴宴集北固

山房

樓閣參差倚白雲三山縹緲望中分
酒邊燈火滄江動天上笙歌下界聞
歡洽醪醕偕掾吏舞酣鸛鶴羨將軍
行臺政簡多休暇此事推公獨出羣

寶晉齋研

米公紫石研貽自何將軍丹徒令尹購得之
摩挲古澤生青雲其修七寸博四寸中央受墨凹而深款識雖無
年月日陰陽篆刻今猶新山陰圖畫海岳筆寶之奚翅

雙南金鳴呼研山沈埋不可得池館蕭條剩此石物理
顯晦安能推二足已刊君莫惜

書丹徒尹徐玉濱詩後

三沐三薰浣塵草可歌可泣述哀篇

浣塵草四卷
銜恤草一卷 薊門

冰雪湘江夢塞上風花蜀國絃廿載循良真惻惻一官

升降太迫邇文章政事如君少感念同袍意惘然

時余
將量

移
江

將赴維揚畱別僚屬暨書院諸生

春風揚子津勢與海潮敵潮汛日再來離思與之積朱

輜稅此都寒暑已更易襄事感同心相見披肝膈和衷
戒濟水意見匪投石三吳吏治醇屢豐況荷錫民鮮饑
饑憂吏無厨傳飾守拙衆所諒於政乃大適量移仍隔
江聲聞實咫尺鴻爪剩舊痕鳬飛看新績判袂欲何言
官箴各努力

南徐富山澤雄秀茲土最多士鍾其靈文明甲吳會精
廬旣廣啟衆材實崇薈磨礱光玉琬拂拭瑩珠貝將以
貢玉堂豈惟競藻績諸生四民首型俗信超邁居游慎
所趨經義攻匪懈節行苟不先文章安足賴蔭汝愧樹

棠箴予凜拔薤意氣感苔岑徙倚住旌蓋三山送我舟
兩袖貯烟靄

平山堂二首

袖得金焦曉綠還又登名阜啟松關分來蜀國無雙井
收取金陵萬疊山花木有情多愷樂耕桑毋曠轉蕭閒
晴瀾自湧雙城外楊柳春風一再攀

眞賞樓明積翠顛歐陽勝蹟紀甘泉來傾太守三堂酒
相望清風七百年舟楫魚鹽商輻輳壺觴歌詠客駢闐
怡情共仰

天書燦可有循聲繼昔賢

捕蝗行二首

螟螣布陣橫空來甚于水旱爲田災揚子長江浸不死
時有蝗渡江青天白日如篩灰制府行部太守趨縣尹奉檄

聚千夫平山之竹驅汝帑淮海之波醢汝軀

六月肉山蒸火雲燎蝗簇簇山澤焚捕者觸臭疾交作
我方據榻了不聞吳饑越饑同一氣人死蝗死無二致
天地何心育爾類祥和之政消乖戾

新柳二首

木齋先生詩集卷之二
下
茱萸灣畔綠楊津老大相逢意倍親腰未成眠宜護惜
眉如可畫更精神驚鴻照影春波動綵鷁迴風水調新
綰盡柔情千萬縷洞簫吹徹轉愁人

曲江城外鬢如鴉葱翠依人拂袖斜但愛輕盈宜約黛
莫教撩亂看飛花座中未解迎歌扇門外何曾走鈿車
試問遨頭三日宴龍池春色屬誰家

弔瓊花

春風管領蓬山客麻姑睡起嬌無力錦帔霞裳厭俗妝
銀河露濕冰丸滴落盡楊花開李花此花不屬趙宋家

無雙亭畔芳魂泣玉佩深宵嚙月華

泊高郵

昔有神居此煉沙文遊高館倚朱霞
粘天無壁湖千頃覆地如盂屋萬家
中澤居民同雁鶩扁舟生計賴魚鰕
長吟試訪孫莘老徹夜珠光貫月華

金斗歌

庚寅歲典河南鄉試依例有簪花兩宴得純金花四
枝因範爲斗以傳示來茲旣爲之銘復系以詩

古者銘德紀勲伐乃作彝器示子孫茲斗範金義曷取

精純之質充實言呦鹿笙簧重賓典簪花再宴榮使臣
中州物力甲天下故事不數朱提銀載詠皇華叨秉鑑
時維壯月歲在寅蟬冠高插鬢猶黑紫磨焜耀桃李門
歸來什襲恐失隊範器日日銜

君恩秬鬯一卣此其匹對揚

王命詞紛綸鯁氣豈遭座客哂讀銘乃識

天家珍形取杓魁異鑿落以祀祖考供嘉賓方塘灩澦
月輪滿甌心隱現花枝痕汝材不從校尉模汝質不受
中散吞暮夜懷汝獻不得稜稜圭角誰敢捫和羹作礪

胥用汝後人飲水當思源吾家清白乃有此稽首再拜
傳無謗

范芝巖邗江話雨圖二首

孤篷軟語夜燈青
文選樓頭識聚星
唱徹黃雞人未寢
枯荷滴露滿虛亭

風雨中宵不可聞
連牀舊約悵離羣
誰知十載瀛洲夢

剪燭西窗更屬君

翁覃溪師與啟昆有風雨對牀之約
每吟子由詩以見意南北分馳卒未

如願不意得之范君
披圖感舊爲之悵然

金焦攬勝圖小照余守鎮時作也旣調揚之二

載出以索同人題詩因書四律於上方

山川稱第一刺史住三年與我周旋意江南咫尺天夕
陽晴隴影秋水澹生烟收拾扁舟去蛟龍伴晝眠
西津連海澨吹綠過江來插脚三峰壯凌空一鶴迴欄
憑金翠合泉奏玉琴哀回首題碑處雲嵐擁石苔
峴首思羊子滁人憶醉翁採詩無善績讀畫想清風潮
響飛高樹山光翕綺櫺樓臺猶在眼遠意入空濛
京口中冷好邗江不斷流南徐一片月還照十三樓蘇
米畱遺跡壺觴記勝遊觀河雙鬢在桂樹又驚秋

夏日招同人遊禪智寺訪東坡送李孝博詩石

刻寄懷覃溪師卽用東坡韻二首

出郭去羈縛條然如脫蟬
町畦夾翠浪鞭鞞搖青烟
濃樹罨蕭寺畫圖開米顛
竹西亭榭敞檻外風帆懸
憑高一以眺羽化同飛仙
斷碣自何代遺象參普賢
寺中有三絕碑
鬪茶試騎火辨水斟新泉
蜀岡盛歌吹花月誇嬾娟
誰能向岑寂愛此來聯翩
撥煩得小憩禪榻思幽然

坡公書格老大字蟠蛇蟬
漁洋續高詠短碣昏塵烟
詩筆信雙絕神力秋毫顛
千里屬唱和宿念常懸懸
覃溪師寓

齋續禪智唱和故

事迄今三年矣

一爲簿書吏遂遠蓬萊仙休暇踐芳

訊勝蹟探前賢剔苔競摹揚似渴思飲泉繭紙遠封寄
墨香閤幽娟慚余騎鶴客盼彼飛鴻翩何時結雙軫同
看巖花然

署東偏牡丹數本種三年矣今歲花始爛漫邀

同人賦詩

書葉朝雲信渺茫前宵穀雨爲花忙數行錦砌酣晨露
三面蘆簾障夕陽隔歲釀春芳氣厚當筵插帽酒人狂
官齋相伴清貧守坐裊爐烟午夢長

題王滙川臨黃子久雲山積翠圖卽送入都

一峯畫法師董源礬頭作勢雲光屯滙川臨摹出新意
坡脚兼用麻皮皴茂林修竹山陰道霞蔚雲蒸望未了
萬壑飛流浩不收恰放扁舟一葉小金徽三尺石牀琴
山水不廢絲竹音撫操迸作衆山響颯颯水調空堂深
昨日落帆枉江渚貽我十二瀟湘譜滙川以畫冊十二幅見贈六時
景物變寒暄一幅生綃挾風雨此圖下筆更有神西園
翰墨超風塵青分一角虞山曉碧浸千潭嚴瀨春東華
與汝伴行旅但有江山無塵土箇中摩詰是前身江上

愁心歌白紵

覃溪師新充 文淵閣校理刻章寄呈系以詩
校書古有郎官職祕府天開白玉函十載鸞坡紫舊夢
兩行蟲篆勒新銜米家印史添佳話馬氏書帷託素絨
七畧勘殘鈴尾處可從仙閣念塵凡

赤文輝映墨華濃形製依稀斗檢封紫綬銀魚同結佩

天章雲篆許追從鐫題但記當時贈予入詞館師以侍從西清印章見贈

掌故爭傳曠代逢珍重玉堂心印在師送予出守鎮江有玉堂心印幾時

還之琅函什襲意重重

遊棲霞四首

綠雲通一徑紫閣忽千層採藥花間洞參禪石上僧丹
霞唐帝篆碧火晉時燈招我煩猿鶴清遊夢未曾

衝烟一杖筇獨上最高峯孤蓋纔容足長江欲盪胸霧
多遙辨鶴山遠勢蟠龍真隱華陽在幽棲或可逢

幽居偏絢爛紅樹滿空山谷挾頰虬走僧隨白雁還殘

陽明石壁落葉響松關一幅圖金碧閒情未可刪

粲然逢老衲云自竹西來

山僧履白曾住揚州之上方寺作詩贈答

詩在紗

籠壁錫飛徑破苔三生證圓澤若輩少仙才調攝無佳

術觀空坐石臺

秩滿入 覲郡人士餞別卽席口占四首

六載非畱滯循良我自慙今朝逢秩滿如吏放衙參政
拙無鷹擊身輕有鶴驂可餘棠蔭在江北與江南

東南治不易淮海古揚州繁富甲天下旌旗居上游任
商通萬戶養士比諸侯變俗託空願顧名思有瘳

予爲揚州

題名碑記謂揚州之治在乎移風易俗病未能也

維駒思借寇宴客欲畱髡一棹來時路春波舊岸痕故
人懷鳳掖弟子候蘇門第五泉邊水盟心可共論

金帶圍仍在瓊花觀又新壺觴徵樂歲才邑駐餘春父
老牽裾別湖山入夢頻虹橋今夜月相送到淮濱

鐵畫

別有錘鑪造化收枝枝葉葉屈銀鉤一家獨擅攢針妙

李營邱畫松葉
謂之攢針筆

百煉真成繞指柔高格呈圖嗤沒骨寒

光挂壁動明眸爲君謝却鵝溪絹范屋全輸筆力遒

范寬

畫屋既質以墨籠
染後輩目爲鐵屋

贈相者

豪放不羈言輒奇
中人呼爲牛風子

大梁畸士雲鶴姿行年七十如嬰兒白髮幾尺鏡中雪

紅袖雙垂花上枝風法華書驗禍福

歐公試筆往時有風法華每至人家

見筆即書禍福輒應

九方歎相空黃驪麻衣道人無異術師孔孟

言知者誰

自言相無師法都從論語視其所觀其眸子二章參悟得來

虎邱二首

和風二月試輕衫照影清池鏡一函好是日斜人散後

殘梅吹落鐵花巖

碧乳輕浮帶露斟拈花聊證道人心

山僧以花露泛茶飲予

得閒

似我居官少坐數歸鴉落暮林

哭余尚禹二首

一病遭迤竟如此章江南望涕潸然高張夢寐三千里

管鮑知交二十年寶笈寫經空贈世君手書覺世經一百冊贈人銅

章無分漫悲天如君矍鑠先祖謝回首功名付逝川

紫團上藥寄無憑一紙書來感不勝去冬君有書來索參餌予以書却寄

計書到君已辭世矣角射春風官道柳聽歌暮雨酒船燈桃根舊

渡傷京口君有妾在潤州帶草空堂弔海陵君曾主講泰州書院他日經

遇須腹痛臨空絮酒恨填膺

宋瑞屏將入都出詩彙見示輒題卷端卽以送

別

薰風送客舉車幘之子欲語心厭厭示我舊作詩盈匱

君詩紀律精且嚴翼張魚萃陳鈎鈐么膺餘子聚而殲

弱冠挾藻誇新尖穀音已作鸞鳴占謂淳音集成均入貢三

年淹西山爽氣飛吟籤謂朝爽樓集南詔歸來老筆拈却掃

蠻瘴開朱炎謂邁歸集詩境屢變逼蘇髯力與造化爭毫纖

新翻樂府昔昔鹽味如食蜜中邊甜謂詩餘有才如此胡

久潛莫邪為鈍鉛刀銛鹽車困驥竿上鮎丈夫豈肯終

松崦

帝閣咫尺雲中瞻潞河鼓棹波瀾瀾幡然就道意所快

回路處贈口難箝方今科目首孝廉過眼五色迷風檐
譬如領底髭空擗儷花鬪葉徒佔佔鬱輪袍獻俗宜砭
苞苴瓜李防猜嫌君才爚爚朝陽暹格澤慶裔賢愚覘
遷地能良真梓枏賓王利用人言僉祝子執子青霞襜
恨不比翼如鸛鵲六十四度同明蟾酒痕墨暈衣衫漸
懷慚玉樹倚葭葉萍浮大海原無粘邗江千尺離思兼
風餐霧宿奚囊添毋忘遠道貽青縑贈子將離別淚沾
起視新月明鉤簾

食餅同范芳谷賦

南方饗秔稻北俗甘餽飪宿麥金穗抽重羅雪花落咄
嗟傾甕盎和柔付煎烙團圓月樣成重疊繭紙薄握如
秋葉捲獻以辛盤託縷切宜脯膾飣飣雜藜藿何曾鹽
豉下或用酒菹淪飯謝七箸勞硬欺齒牙弱合口笑牛
飼道旁畏烏攫文無十字裂飽踰五鼎樂憶昔初計偕
蹄輪困沙礫粗糲腐儒餐差池臭味惡數日行漸熟啖
噉伴羶酪邇來更習慣每飯不能却君今有同嗜連朝
恣軟嚼醢漿研瓦盆酸齏取大杓便便果饑腸至味等
羹臠慊從十幾輩饗餐填巨壑勝食糠覈肥庶顏轉矍

鑠乃知物土宜因之好尚各說餅我粗能東賦倩君作

德州道中清明

何曾細雨吹寒食但見東風捲白沙

時望雨甚切

三月鶯花

恒作客廿年仕宦苦思家燕雲遠樹迎征騎槐火新烟感歲華此日蜀岡岡下路碧桃村裏課桑麻

題姚姬秀英小影六首

嫋嫋雲垂鬢學鵲照人秋水淨無瑕水晶簾外匆匆見
茂苑春風第一花

紫金條脫臂雙垂佩結同心綰綵絲記得定情花月夜

樹經堂詩初集卷二

香雲閣

揚署
閣名

上鎖歲粧

不呼燕燕與鶯鶯輕薄嗤他換小名異日持家師絡秀
當年會合見雲英

憐邀大婦見娉婷療妒何曾賦小青一事老夫差自苦
夜燈課讀寫黃庭

霜露驚心憶去時背人不語淚痕垂歸來握手渾如夢
何啻他生再結褵

宜男花下最宜春故故相偎意態真願化一身形共影
不徒喚作比肩人

夏夜卽景

梅花弄笛暗香殘待月高樓露未乾了髻小鬟工擦坐
酒闌爭進綃紗盤

己亥九月二十三日舟次淮浦寄懷吳四夔菴
宋大瑞屏兼示家姪綬庭二首

淮海東南滙

君恩較此深清歌今夜擢噩夢去年心鷁退飛猶奮桐
焦響未沈

賜環兼宥肯感泣涕沾襟

岐路憐猶子危途仗友生浮踪千里共別感一時并錯
節全芒刃吹薺戒沸羹白雲天末望何日慰歸情

棲霞雪二首

一徑白溟濛籃輿上幾重寒生千佛頂氣壓六朝松隱
約中林塔依微別殿鐘半空聞鶴唳知是最高峰

本是神仙界真成白玉京颯然風竹響不覺道心清
暝色炊烟上寒光夜榻明曉來丹碧露一角

御樓晴

北樓柏二首

唐時風雨晉時烟黛色蒼茫尚接天老守攀條如昨夢
吾家作郡又千年陰移亭午宜敷座子落深秋一悟禪
材大終當爲世用偶經盤錯亦生全

五叟森然氣不摧一株雖槁尚崔嵬歲華已逐青山老
物色仍從鏡水回曾憶臨風呼酒至偶思刻樹和詩來
元暉太白招難起去後聲名學寇萊

宣州書屋老梅二首

綠莎廳外古枝橫積雪春風乍放晴東閣官移花又發
自維揚量移北樓人去月還明枯藤透骨同子瘦白石盟心

伴汝清草茁池塘應有夢嶺南芳信最關情

謂舍弟砥山

吹破高樓一笛飛喬林遠岫列成圍香銷六代無人管
影落雙橋有鶴歸老屋耐寒宜判事虛窗生白已忘機
行人但詠齋前柏品字圖成識者希

春日赴皖途中口占八首

一路春山叫畫眉肩輿行處落花隨青簑一叱烏犍渡

清弋江頭細雨時

清弋江

南陵老吏古人風慷慨論詩興未慵病起人扶難再拜
猶然腰笏勸春農

南陵陳令尹

寺藏修竹徑紆斜地僻偏邀使者車桑下再經生繫戀

閒炊松火飯桃花

永豐寺

榆烟初改麥苗深負郭人家近水潯九子當空青翠合

寒生春晝落城陰

青陽縣

塊莽平蕪納遠青齊山開處敞雲屏雨過青溪暮潮急

十里江聲枕上聽

池州府

水落長堤認舊痕汀州一帶綠無垠生涯只有魚蝦賤

斜日罾船集寺門

黃湓寺

京口邗溝數問津揭來立馬皖江濱江南一髮青山好

盼斷臨流擊汰人

渡皖江

翠堵凌波倒影寒
江城斗大萬山銜
茶烟未熟舵樓轉

報道郵亭已落帆

安慶城

琴溪

控鯉何年上界迎
半天時作雨風聲
琅玕夾徑鬚眉碧
簫管中宵夢寐清
遠水有波何處轉
好山無數不知名
此間結屋何年遂
剩欲乘空汗漫行

晚過三溪

山開半面夕陽晴
帽影鞭絲稱晚行
溪水三條銀練合

人家一帶粉牆明
筠籠霜果收初熟
耒板秋場穫有聲
老守心情差可慰
兩年頻見歲豐盈

黃華嶺望黃山

黟山千仞削芙蓉
境入麻川鳥道通
三十六峰青未了
百餘里路翠溟濛
夢飛天外雲光倚
目斷秋原海氣空
訪道客成金簡在
何時結侶聽松風

桃花潭二首

踏歌傳古渡
繫纜發幽情
不見桃花發
空憐潭水清
零落汪倫宅
流傳李白詩
蕭蕭風雨夕
送客獨歸時

考坑山

山脈分黃嶺崎嶇卓馬難兩峰清晝暝六月石門寒有
美憐修竹幽人詠考槃巖關曾設險戎靜角聲殘

秋日登南樓

名與元暉競樓疑庾亮開地高秋易到天遠雁初來樹
隱雙橋外荷殘曲水隈清談毋廢事掾吏許追陪

同姬人看桂花二首

含情脈脈臭如蘭羅袂香生露正團低亞一枝雲鬢豔
天風吹下玉欄杆

連蜷種異小山幽妙質曾煩月斧修雲外有香通好夢
連環枕畔玉雕鏤